

## Jahresbericht vom Tanze 2011

Afangs Jahr si Brigitta Grünig u z`Vreni Widmer a z`erschte vo vierne Tanzleiterträffe gange. Dert wird ihne zeigt u glehrt was ir Tanzwäud Neuis isch use cho.

O das Jahr, am 22. u 23. Januar si wieder vier Tanzfroue its Gwatt ga neue Tänz lehre. Das brucht immer rächt viu Geduld u Usduur.

DV isch das Jahr am 18 März z`Zimmerwaud gsy. Dert hei mir Informatione zum schwizerische Trachtechorfescht vo Lyss überscho.

Dr wit Wäg uf Reconvillier am 17. April für ads Bärnische Bott hei z`Vreni Widmer, Kathrin Hirschi u Brigitta Grünig uf sich gno. Dert hei si ä schöne Tag dörfe verbringe.

Wüu si dr Saau nit fröhcher hei übercho isch das Jahr z`Regionauträffe ersch am 20. Mai bir Trachtegruppe z`Toffe gsy. Dert tüe mir geng viu, tanze, ässe, singe u plöiiderle.

Grad ä Tag speter si z`Vreni Widmer, Brigitta Grünig, Theres Rothacher u d`Liliana Rothacher a festlech Tanzabe its Casino. Ich däm Jahr hei d`Ländlerkapäue Ulmizbärg zum Tanz uf gspiehut.

Am Vormittag vom 3. Juni, bi wunderschönem Wätter hei sech sächs Gurzeler Tanzfroue ufe Wäg richtig Lyss ads schwizerische Trachtechorfescht gmacht.

Dert hei mir ä schöne Märit chönne ga bewundere. Natürlech hei säch äs paari vo üs o äs chlyses Suvenir kouft. Speter am Namittag si mir ga Lieder losse. Dr Höhepunkt vo däm Fescht isch nähr am Abe gsy. Dert hei si Gilberte de Courgenay vorgführt. Das isch äs Theater wo sech vor dr Kriegszyt het abgspeht. I däm Saau isches so heiss gsy, das mir fasch nüm hei chönne schnufe.

Da äs üs am Fritig z`Lyss so gfaue het, si einigi vo üsne Froue am Samstig no grad eis gange. Dert hei mir ungerangerem ST-Degelierterversammlig bsuecht u am Nachmittag hei mir am Tanzfescht Teil gno.

Am 10. Juni het Tanzgruppe Gurzele z`viertujährleche Tanzleiterträffe Miituland düre gführt. Zum Znüni hei mir aune Awäsände öbis Feins backe. Merci aune Tanzfroue wo hei a däm Abe mitghoufe.

Ds Tanzleiterträffe am 30. Oktober z'Gümlige het us üser Gruppe d'Brigitta Grünig u z'Vreni Widmer bsuecht. Dert si sy ume vii neuie Tänz für us ga lehre.

Merci euich beidne ganz härzlech für euie Isatz. Äs macht immer sehr vii spass mit euich dörfe z`tanze. Dir chöit us immer wieder motiviere o wes mängisch nit ä so guät louft. Mir si stouz uf euich! Merci vii mau!